

## EGIN EZPAHITU NIRE NAHIA

G. Aresti

*Hasnasa hartzen duen guztitik berezten gaituen ezagugarri  
haundia izanen oteda gure deskontentua?*

(M. Maeterlinek: Xinhaurrien bizitzea).

### *Totorika'tar Andoniri*

Baldin gure egunon iraugiteon  
etsaieri ezpadrauegu egin on,  
arerioekin ezpagaude egon  
kito, ezkarate herioz adinon.

Barka gaitzak gure zorrez; gure semer  
barka gaitzatek. Eztadila ezer  
gera hobenetik: hau dugu aloger  
oinhazeak gaitik... emari halaber.

Zer kausituko dugu lur giblean?  
Zer aurkituko dugu haren hotzean?  
Zer dateke geldirik ilhunenean?  
eri, hil, ehortz, ustel gaitezenean?

Neurtzen duan neurriaz haizate neurtu.  
Lotzen duan kateaz haizate lotu.  
Maite duan haurrak ezuke debeiu.  
Hautsirik taketa eztukek makulu.

Ahantz dezakegu eraman duguna:  
mingots lakar zena orain da biguna:  
indartsutu zalhuin, erbala zurruna.  
Orain badugu gure primutasuna!

Baotedut orain leheneko minik?  
Galtzedunek eztukete gudakinik.  
Atsedenean nihoiz eztago grinik.  
Arztoek eztute iaten moredinik.

Eta gure egunen izagitean,  
basatzatik, kiratstatik garenean  
irten ilki; pitz, itzar gaitezenean  
Iainkoaren ulerrezko egotean,

hartuko dugu betiko sosegua,  
gure izanen da begiratugua,  
eztira izanen ura eta sua.  
Izanen naizate benedikatua!

Eskatzen gatzazkio Iaungoikoari  
bitartean lizakigun aintzindari,  
lemakigun iragateko bidari.  
Uda eta negu gara eske hari.

Goizetik lanean abiatu dena  
baizen eztate kitatuko: lehena  
da lehen hasi dena, eta harena  
izanen da ordaintzerik gehiena.

Menditiko minzaldia zen bukatu  
—Iesusen hitz oro etziren izkribu<sup>1</sup>—  
berbaokin: «Igurikitzen ausartu  
eztutenak betiko dira dohatsu».

---

1. Bada, oraino badire bertze hainitz gauza ere Iesusek eginak: zainak eskriba baleitez bat banazka, ez baitut uste munduak berak ere iduk ahal litzazkeela eskribatzeko litazkeen liburuak. (Ioanesen Euangelioan, XXI, 25).



Eta odoltearen oihal gorriak  
Moskauko karrketan ziren ilkiak.  
«Erhatzu, erhatzu deungeak, gaizkiak:  
bizi bite guti, baina hautetsiak!».

Anhitz dugu deitu, hautatu gutixe.  
Zertarakotz egin duzu horrenberze?  
Erban itzazu higuindutakoak, leze  
iratutzailetan eztitezen erre.

Ustel, kirats nadinean, Ugazaba, egik  
Argia eztakidala itzalirik.  
Iaikiko naiza nire katabutatik?  
Barka gaitzak heure Bihotz beragaitik!

Apurtu!  
Zer?  
Galderak?  
Ez al duk aditzen?  
Itxua,  
madarikatua.

Ikusiezinak,  
gezurrak,  
biraok,  
hiraok dituk.

Ene Jainkoa,  
non zaude?

Errua,  
alua,  
hi hair galdua,  
Luzifer!  
Hainbat aldir ikusi haut...  
Bai,  
ustela,  
Ahi ximela!